

حقوقی بيلکيلر مجموعه سي

هر آي صوکنده نشر اولنور

آنونیم شرکتلرنده مراقبلرک مسئولیتی

۱ — شرکت ماللرینک لایق وجهله اداره ایديله بیلمسی ایچون مجلس اداره نك والعموم امور ومعاملات شرکتک دائمی بر مراقبه تابع طوتولسی ایجاب ایدر. تفتیش تابع اولمایان بر مؤسسه نك اداره سنده سوء استعمال، قصور واهمال کثیر الوقوعدر .

آنونیم شرکتلرنده هیئت عمومی، عموم حصه داران مقامنده عد اولوندینی ایچون شرکتک بوتون مأمورلری، معاملاتی هیئت عمومی نك طبیعی مراقبه سی آلتنددر. فقط هیئت عمومی، شرکتک بالجله معامله سنه هیئتله مطلع اولماز. و هیئت عمومی بی متادی حال انعقادده بولوندر مق امکانی ده یوقدر. بناء علیه معاملات شرکتک فعلی مراقبه سنك، هیئت عمومی نامه حرکت ایدن مأمورلر (مراقبلر) طرفدن ایضا ایدیلرک نتیجه مراقبه نك راپور ایله بو هیئت عرض ایدلسی و هیئتک ده بوکا کوره قرار ویرمی درجه وجودده در. بو صورته هیئت عمومی نك اداره هیئتک یا کلش حسابلر استناد ایدن و حتی بعضاً قصداً حقیقی تغیر ایدن راپورلرله آلداتلاماسی تأمین ایدیلر .

هیئت عمومی، معاملات شرکتی مراقبه ایچون مأمورلر تعیننه ذاتاً صلاحیتداردر . فقط شرکتک وضعیتی حقنده تنور، هیئت عمومی اجتماعه اشتراك ایتمه مش اولان هر شریکک دخی فرداً حق اولدینی کی، اکثریتک آرزوسنه توفیقاً هیئت عمومی نك آیروجه مراقبلر تعیننه لزوم کورمه سی بو صورته اداره شرکتی اللرنده طوتان و اکثریتی تشکیل ایدن سرمایه دار غروپنك اقلیتی، یا کلش راپورلرله آلداتقی ایسته سی ده دائما وارد اولدیفندن ۱۹۲۶ تاریخی تجارت قانونی آنونیم شرکتلرینک مراقبلر واسطه سیله دائمی بر تفتیش و مراقبه تابع طوتولسانی مجبوری عد ایتشددر .

تجارت قانوننک ۳۴۸ نجی ماده سی موجبنه هیئت عمومی امور ومعاملات شرکتی صورت دائمده تفتیش ایچون بردن بیه قادر مراقب تعیین ایدر. مراقبلر تعدد ایدر سه بر هیئت تشکیل ایدرلر. بوحالده وظیفه لرینی نه صورته ایضا ایدر جکلری آلازنده بالاتفاق قرارلاشدیریلر. هیئت تشکیل ایدن مراقبلر، معین وقتلرده اجتماعلر یابارق شرکتک وضعیتی حقنده مداوله افکار ایدرلر و هیئت عمومی یه ویریلرک راپورلری قلمه آلیرلر.

تجارت قانونی ۳۵۴ نجی ماده سنده مراقبلرک وظیفه لرینی تعداد ایتکده در. بو وظیفه لری اصغری اولوب هیئت عمومی طرفدن اتخاذ اولونا جاق قرار ایله توسیع اولونا بیلر.

مراقبہ کنندیلرینہ تحمیل ایدیلن « وظیفہ لری حسن ایفا ایتمه لرندن دولایی متسلسلاً مسؤل » عد اولمشدر. (تجارت قانونی ماده : ۳۵۸).

تجارت قانونی مراقبہ مک مسئولیتی بیان ایتمه که برابر مسئولیتلرینک کیمه قارشی اولدیغی و بونک درجه شمولی و مسئولیت مشترکه نتیجه سنده یکدیگرینه قارشی نه مقدار ایله رجوع ایده بیله جگرلی نقطه لرنده سکوت ایتکده در.

تجارت قانونک مسکوت عنه بر اقدیغی نقطه لرده قانون مدینک تطبیق لازمدر. بناءً علیه بوماده بی بورجلر قانونی احکامی دائره سنده تفسیر و مذکور قانونک حکملری ایله بوباده کی بوشلغی اکمال لازم کلیر.

دیگر طرفدن آنویم شرکترلرنده مجلس اداره اعضالرینک مسئولیتکه دائر اولان احکامده قیاس طریقله تطبیق ایدلک لازمدر.

۲ — فرانسه نک روئن استیناف محکمه سی اخیراً مراقبہ مک مسئولیتکه متعلق بر مسئله بی تدقیق ایتمش و ۱ کانون اول ۱۹۲۶ تاریخنده موضوعز ایچون چوق استفاده لی برقرار ویرمشدر.

بورجلر قانونک مراقبہ مک مسئولیتکه طرز تطبیق مقاله مزک موضوعی تشکیل ایده جکدر. فقط بوباده سرد ایده جکمز مثاللری، جانی حادثه لر دن آغنی ترجیح ایتدیگمز ایچون روئن محکمه سنک قرارینی ده مثال طریقله تحلیلی موافق کوردک.

۳ — تجارت قانونک مراقبہ مک تحمیل ایتدیگی مسئولیت مطلق اولدیغندن هم شرکایه (اسهام صاحبی) و همده معاملات شرکتنک بارلاق کوسترله سندن، وضعیتلرینی تهلکیه دوشورلمسندن متضرر اوچنچی شخصلره یعنی شرکتنک داینلرینه، علی العموم تحویلات صاحبلرینه قارشو اولوق لازمدر.

ذاتاً تجارت قانوننده بوقید بولنماش اولسه و بورجلر قانونی حکمی تطبیق ایدلک لازم کلسه ایدی نه مراقبہ مک هم شرکایه و همده داینلره قارشی مسؤل عد ایتک ایجاب ایده جک ایدی.

مراقبہ مک شرکایه قارشی مسئولیتلری بورجلر قانونک ۳۹۰ نجی ماده سنک معطوف علیهی اولان ۳۲۱ نجی ماده دن حاصلدر. اوچنچی شخصلره قارشی مسئولیتی ایسه قانون مذکورک ۴۱ و متعاقب ماده لرندن منبعدر.

فی الحقیقه مراقبہ مک هیئت عمومی طرفدن کندیلرینه تحمیل اولونان ایشک اداره سنی

ويا خدمتك ايفاسنى التزام ايتدكلرى ايچون بورجلار قانونىك ۳۸۶ ومتعاقب ماده لرندە موضوع بحث اولان وكالت احكامنه تابعدرلر. ديكر طرفدن قانون آنونيم شركتلرندە مجبورى مراقبر تعيينى امر و كنديلرينه تحمیل ايدیلن اصغرى وظیفه نى تعیین ایتكده اولدیغندن بو وظیفه و مجبوریتك ایفا ایدلمه سى بورجلار قانونىك ۴۱ نجى ماده سنه تماس ایدر. كوریلور كه تجارت قانونى بونقظه ده بورجلار قانونه مخالف بر حکم وضعى دوشونمه مش بلکه بوقانون ایله قبول ایدیلن اساسى بر کره دها تأییدی موافق کور مشدر.

ديكر طرفدن تجارت قانونىك ۳۳۸ نجى ماده سنك ۵ نومروسى موجبنجه مجلس اداره اعضاى «كرك قانونك و كرك شركت مقاوله نامه سنك كنديلرينه تحمیل ایتدیكى وظائفك تماماً ایفا ایدلمه مسندن طولايى شرکایه و اوچنجى شخصلره قارشى متسلسلاً مسؤلدر. بوكا قارشى ده مراقبرك مسؤلیتی كرك اوچنجى شخصلره و كرك شرکایه قارشى موجود عد ایتك لازمدر.

۴ — مراقبرك مسؤلیتلرینك حدود و شمولی ده، بورجلار قانونىك مارالذ کر ماده لری احكامنه توفیق ایدلك ضروریدر.

بورجلار قانونىك ۳۲۱ نجى ماده سى اقتضاسنه كوره وکیل «قصد ویا اهمال و دقتسزلک ایله ایش صاحبنه ایراث ایتدیكى ضرردن مسؤلدر. ایشجیه ترتبایدن اهتمك درجه سى عقده كوره تعیین اولونور و مسؤلیتك شمولى تعیینده و اوایشجینك اوایش ایچون مقتضى اولوب ایش صاحبنك معلومى اولان ویا اولماسى ایجاب ایدن معلوماتى درجه سى مسلکی قوفى و كذلك استعداد و اوصافى كوزم تیلیر».

اوچنجى شخصلره قارشى مسؤلیتی تعیینده ایسه ۴۱ ومتعاقب ماده لر تطبیق اولونور. ۴۶ نجى ماده موجبنجه «كرك قصدآ، كرك اهمال و تسبیب، یا خود تدیرسزلک ایله حقمنز بر صورتده ديكر كیمسه به بر ضرر ایقاع ایدن شخص اوضررك تضمینه مجبوردر». بورجلار قانونىك بو ایكى ماده سى موجبنجه تضمیناتك لزومنده قصورك او ضرره سببیت ویرمش اولمسی یعنی ضرر قصور سببینك نتیجه سى اولماسى شرطدر. بونقظه ده بوتون اسویچره مؤلفلری متفقدر (از جمله شنایدهر: اسویچره بورجلار ۴۱ ماده شرحی نومرو: ۱).

بناءً علیه تجارت قانونىك ۳۵۸ نجى ماده سى نه قادر مطلق اولورسه اولسون، مراقبرى بو شرط داخلنده مسؤل عد ایتك ایجاب ایدمكدر. شو حالده ۳۵۸ نجى ماده شوشكلده

تفسیر اولماید: «مراقبر، وظیفه لرینی حسن ایفا ایتمه لری نتیجه سی حصوله کلن ضرردن مسئولدر» .

برآئوینم شرکته در مراقبر معاملات شرکتک اداره سنه مداخله دن ممنوعدر . حتی شرکتک هر هانگی بر امواریتی مراقبرک ایله اجتماع ایده مز . (تجارت ماده : ۳۴۸) بناءً علیه شرکتک فنا اداره ایده سندن حاصل اولان بالجله ضرر لری ، دائماً مراقبر وظیفه لرینی حسن ایفا ایتمه کلری بهانه سیله مراقبره تحمیل اولونا ماز .

مراقبرک «وظیفه لرینی حسن ایفا ایتمه کلری بهانه سیله مسئول ایدیله بیلمه لری ایچون بواهمال ایله شرکتک اوغرا دیقی ضرر دها دوغریسی فنا اداره آراسنده سبب و نتیجه مناسبتی بولمالیدر . دیگر بر افاده ایله فنا اداره ، مراقبرک وظیفه لرینی حسن ایفا ایتمه لرینک بر نتیجه سی اولمالیدر .

روئن استیفاف محکمه سی ۱ کانون اول ۱۹۲۶ قرارنده بواساسی تطبیق ایتمکده در: بو محکمه نك قرارینه کوره باقیه معاملاتی ایله مشغول اولان بر شرکتک، اشاعه سی اعتبارینی کسر ایده بیله جک وضعیتی ، هیئت عمومییه - حقیقتده عمومیه - بیلدیرمه یین مراقبر ، اگر شرکتک اوغرا دیقی ضرر هیئت عمومی نك بو وضعیته مطلع اولما سندن نشئت ایتمز و یا هیئت عمومییه وضعیته مطلع اولقله برابر ضرره مانع اولمغه مقتدر اوله مایه جنی ثابت اولور ایسه بو ضرردن مراقبرک مسئولیتی لازم کلیه جکی اجتهادنده بولونیورکه بورجلر قانونمز مطابقی آچققدر .

۵ — «وظیفه نك حسن ایفا ایتمه سی» نه دیمکدر؟ اول امرده مراقبرک، قانوناً کنیدلرینه تحمیل ایلمش اولان تجارت قانوننك ۳۵۴ نجی ماده سنده موضوع بحث خصوصاری ، ثانیاً هیئت عمومییه ججه توظیف ایدیله جکلری دیگر وظیفه لری ایفا ایتمز و بجزره کنزک، عدم وقوف نتیجه سنده و یا قصداً بو وظیفه لری اکسیک و یا یاکش یاپارلر ایسه وظیفه حسن ایفا ایتمه مش عد اولونور . بو حالک تحققدنه کنیدلرینک سوء نیت صاحبی اولمالاری مسئولیتدن قورتولمالرینه وسیله تشکیل ایده مز . نه کیم روئن محکمه سی ده تدقیق ایتمدیکی حادثه ده مراقبرک کافه سنك غایت ناموسلی و حسن نیت صاحبی اولدقلرینه قناعت حاصل ایتمدیکنی بیان ایله برابر باقیه ایشارنده متخصص اولمیانلرک بیله نظر دقتی جلب ایده بیله جک بر وضعیتی ادراک ایتمه لرینی ، حادثه ده بانقهنك بردن بره معاملاتنك معتادک فوقنده توسی اسبابی تحری ایتمه لرینی و بوتدقیقات نتیجه سنده شرکتک آچققدن

قارشولقسز معامله لر یا بدیغنی آ کلا به رق وقتنده هیئت عمومی نك نظر دقتنی جلب ایتمه لرینی مسئولیتلرینی موجب بر قصور تلقی ایتمشدر . شو قادار که ماهرانه وحیله کارانه بر صورتده مجلس اداره وضعیتی صاقلا یوبده بوکا کسب اطلاع مراقبلر ایچون قابل اوله مامش ایسه مسئول ایدیه ماملری ایجاب ایدر .

تجارت قانونی مراقبلری متسلسلاً مسئول عدايتش اولدیغندن برينك خطا و قصوری حالنده ، بالعموم مراقبلر اوچنچي شخصلره و شرکایه قارشو مسئول اولور . شو قادار که محکمه آرله رنده حق رجوع مسئله سنی تعیین ایدر کن بوجهتی نظر دقته آیر (۷) نومرولی فقره یه مراجعت) مع مافیه تجارت قانوننك ۳۳۵ نجی ماده سنی قیاساً تطبیق ایدره ك مراقبلردن بری حیله کارلله دیگر لرینی الده ایتش ایسه بوراده مسئولیت متسلسله یی جاری عد ایتمك موافق اولور .

۶ — مراقبلر ك مسئولیتلری تعیین ایدلر ك لری کوندن باشلار ، وظیفه لری نهایت بولدیغی کونه قادار امتداد ایدره . شو قادار که وظیفه لرینه باشلامدن ، مدیران شرکتك باشلامش اولان سوء اداره سی ، کندیلرینك دقت ونظارتی سایه سنده دوزملسی امکان داخلنده اولوبده . مراقبلر بوجهتی اهل ایتشدر و بالنتیجه ضرر تحقق ایتش و یا خود زیاده لشمش ایسه بوندن ده مسئول اولورلر . كذلك مراقبلر ، زمانلرنده باشلامش اولان سوء اداره یه اغماض عین ایدوبده بوسوء اداره کندیلرینك ختام مأموریتدن صوکره ضررلی نتیجه یی حصوله کتیرمش ایسه بوندن ده مسئول اولور . بوايضاحاته کوره بعضاً یکدیگر یله خلف و سلف اولان مراقبلر ك مجموعنی مسئول ایتمك ممکندر . خلف و سلف اولان مجلس اداره اعضالرینك مشترک مسئولیتلری ایچون تجارت قانوننك ۲۳۳ ماده سنه باقیکز .

۷ — مراقبلر ك ضرر ك نه مقدارندن مسئول اولدقلرینی یعنی هانکی ضررلر ك بونلر حسابنه قوناغنی تعیین ایتمك صو ك درجه مشکلدن و هرحالده کندیلرینك مسئول ایدیه جککری ضرر ك شمولنی تعیین ایچون بورجار قانوننك ۳۲۱ نجی و ۴۳ نجی ماده لرینی نظر دقتده بولوندیر مقی مجبوری آشکاردر . وحق قیاساً تجارت قانوننك ۳۳۴ نجی ماده سنی ده نظر دقته آلقی مناسب اولور . ۳۲۱ نجی ماده تطبیق اولوندقده مراقبلر ك مسئولیتی ، کندیلرینك هیئت عمومی جه معلوم اولان و یا اولقی لازم کلن قدرت علمیه لری ، تجربه لری ، مسلکی وقوف واستعدادلری کوزه دیلره ك تعیین ایدلک لازمدر . تعبیر دیگرله

هیئت عمومی به بر مراقبه نه درجه فضله اعتماد ایتش ایسه مراقبی او درجه شدتله مؤاخذه ایتلیدر. مثلاً هیئت عمومی ده تجربه سزلکنی، مهارت سزلکنی سردایله عرض اعتذار ایتش اولان بر کیسه، کندیسندن دها موافق دیگر کیسه بولنامسنه و یا ناموس و حیثیته فضله اعتماد ایدلسنه بناءً مراقب تعیین ایدلش ایسه بالضروره بو کیسه قاریشیق حسابلره عقلی ایرمه سی سببیله آلدانیر و بوندن بر ضرر حاصل اولورسه تضمینات ایله معاتب اولاماز. فقط بالعکس امور حسابیه ده کی وقوفی، مراقب کده کی اوزون زمان تجربه لریله نظر دقتی جلب ایتش اولان بر کیسه مراقب تعیین ایدلش ایسه حساباتده کی انتظام سزلق سببیله کله بیله جک ضرردن مسئول ایدلک لازم کلیر.

خلاصه ضرر لرک هانکیسندن مراقبک مسئول اولدیغنی تعیین ایچون مراقبک شخصی نظر دقته آلیر.

اگر شخصاً عقلی، قابلیت اعتباریله او ضرر لرک حصوله مانع اوله بیله جک وضعیتده ایسه مسئولدر، عکس حالده دکلدر.

فقط مراقب لر دن بعضی شخصی بر نوع ضرردن مسئول اولق لازم کلیرسه مسئولیت متسلسله قاعده سنه توفیقاً دیگر لر ی ده بو ضرردن مسئول اولور.

مع مافیه بر مراقبک حقیقتده او ضررک وقوعه مانع اوله بیله جک قابلیت علمیه و فیه سی اولماسه بیله ظاهر حالیه هیئت عمومی به قارشو اوقابلیتده کور و نمش و بو وظنی حصوله کتیرمش ایسه قابلیت وارده مانع اولماش کی مسئول اولور. یعنی حصه داران هیئت عمومی سنه، بو وظیفه نلک اهلی اولدیغنی بیان ایتش و یا کندیسنک آئنده بولونان دیپلومالر، دیگر شرکت لره مسبوق اولان خدمت لری اعانه سیله هیئت عمومی به اقتدار و لیاقتی ظن ایتدیرمش ایسه عدم وقوفی سببیله کلن ضرردن ده مسئول اولور.

مراقب لرک اوچنچی شخصلره قارشو مسئولیتک درجه سی ده بورجار قانوننک ۴۳ نجی ماده سنه کوره تعیین ایدیلیر: «حاکم حال و موقعک ایجابنه و خطانک آغیرلغه کوره تضمیناتک صورت و درجه شمولی تعیین ایلر» یعنی حاکم خطا پک آغیر و شایان عفو و مسامحه دکل ایسه مراقب لری خطا و اهاک نتیجه سی و نتیجه سنک نتیجه سی اولان ضرر لر دن مسئول ایدر. بالعکس خطا خفیف و یا اولوتیله غیر قابل اجتناب ایسه، یا لکر خطانک نتیجه سی اولان ضررک تضمینیه محکوم ایدر. و ۴۴ نجی ماده ده موضوع بحث احوالک تحقنقه بو مقدار ضرر و زیانی دخی تنقیص و حتی بوس بوتون اسقاط ایده بیلیر.

بناءً عليه روئن استئناف محكمه سی قرارنده کوسترلیدی وجهله حاکم خطایی تقدیر ایچون مراقبلره «تودیع اولونان وظیفه بی، بووظیفه نك تولید ایندیکی مشکلاتی، بونی درعهده ایده نلرک اهلیب وقابلیتی، مراقبلره تأمین اولونان مادی ویا معنوی منفعتلره وآلقلاری اجرته نظراً بوایشه تخصیص ایده بیله جکلری زمانی» نظر دفته آلمق لازمدر.

۸ — متسلسلاً ضرر وزیاندن مسئول اولان مراقبلرک تأدیله لریله یکدیگرینه حق رجوعی اولوب اولمادینی مسئله سی، کذلک تجارت قانوننده مسکوت عنه قالدیغندن بورجار قانوننک ۵۰ نجی ماده سی نظر دفته آلهرق تعین ایدلمک اقتضا ایدر؛ بوماده یه کوره متسلسلاً مدیون اولانلرک یکدیگرینه حق رجوعی اولوب اولمادینی، اولدینی تقدیرده تأدیاتنک نه مقدار ایله رجوع ایده بیله جکی، حاکم تقدیرینه مفوضدر.

حاکم حق رجوعی تعین ایدرکن مدیونلردن هر برینک ضررک وقوعنده فرداً درجه مسئولیتلرینی تعین ایدر. خطاسی الک آغیر اولانه ضررک الک بویوک قسمتی تحمیل، بالعکس خطاسی اولمایان مدیونی ضرردن غیر مسئول عد ایدرک اوکا کوره مراقبلر آراسنده حق رجوعی تعین ایدر.

بوقاعده مراقبلرک مسئولیتی حقندهده تطبیق اولونمق لازمدر. واقعا مراقبلردن هر برینک مسئولیتلرینک درجه سی تعین ایتمک چوق مشکلدیر. ازجهله برقراردن ویا براهمالدن نه درجه یه قادار بر مراقبلر، نه درجه یه قادار دیگرینک مسئول اولدیغنی تعین ایتمک چوق کره غیر ممکندر. حتی بونک ایچوندرکه تجارت قانونی مراقبلری متسلسلاً بوتون ضررلردن مسئول عد ایتمکدهدر.

بناءً علیه اگر حاکم مراقبلردن هر برینک مسئولیتک درجه سی تعیندهد امکانلرلفه دوشر وبرینه دیگرینه نظراً دهافضله ضرر وزیان تحمیلی ایچون ۷ نومرولی فقره ده موضوع بحث ایندیکمز اسباب ترجیح کورمزسه هر برینی متساویاً ضرر وزیان ایله مسئول ایدر. قرارینی تحلیل ایندیکمز روئن استئناف محكمه سی ضرروزیانی مختلف مراقبلر آراسنده، خطالرینک درجه سنه کوره بروجه آتی اساساری نظر دفته آلهرق توزیع ایتمکدهدر.

باقه نك کشادنن بری مراقبلرک وظیفه سی ایفا و صوک زمانلرده مراقبلر مجلسنه ریاست ایدن وراپورلری ایله باقجه جیلکده کی تجربه ومهارتی کوسترنه وشخصاً دیگر مراقبلردن زیاده شرکت مدیرلرینه اعتماد جائز اولمادیغه واقف بولان R. ضرر وزیانک یاریسنک، مراقبلر مجلسنه دها صوکرا ۲۷ مارت ۱۹۱۵ تاریخنده داخل اولوب یکی

وظیفه سیله استیناسی ایچون کافی برزمان ظرفنده مراقبک وظیفه سنده بولنش اولان B ایله I متباقی ضرر وزیانک دوتده اوچنک دیگر مراقبک D ایله C آنحق ۱۹۱۹ ده انتخاب ایدلکلرندن مقدار متباقینک تأدیه سنه محکوم ایدلشددر. شوقادارکه D ایله C متباقی دوتده برک تأدیه سنه بوجه مناصفه محکوم ایدله یوب D یی مراقبک مجلسنه منتظماً دوام ایتدیکی C ایسه دوام سزلنی ایله علاقه سزلنی کوستردیکی ایچون (محکمه بونی برخط اوله رق قبول ایله برابر) D یی C یه نظراً ده افضله مقدار ضرر وزیان ایله محکوم ایتکده در. دیگر طرفدن بر مراقبک اصلا قصوری اولمادینی ثابت ایسه ومثلاً مراقبک مجلسنک اتخاذ ایتدیکی یا کلش قرارده مخالف قاله رق نقطه نظرینی آیری برراپورله مجلسه بیلدیرمش وحقی معذرتنه بناءً وظیفه سنه دوام ایدمه مش ایسه کندیسنه ضرر وزیانک هیچ برمقدارینی تحمیل قابل اوله ماز. وحقی تجارت قانوننک ۵۳۳نجی ماده سنه قیاساً مسئولیت متسلسله یه ده تابع اولماق لازمدر.

۹ — بیان حاجت یوقدرکه مراقبک مسئولیتی، مجلس اداره یی مسئولیتدن قورنارماز. بو حالدده بورجلر قانوننک ۵۱نجی ماده سنه توفیقاً کرک شرکا، کرک اوچنجی شخصلره قارشو مجلس اداره ایله مراقبک متسلسلاً مسئول اولور. بو حالدده مراقبک تأدیه سنه محکوم ایدلکلری ضرر وزیان ایله غیر مشروع معامله سیله، حرکتیه مسب اولان، ضرری ایقاع ایدن مدیران شرکته مراجعت ایده بیلیرلر.

حقوق فاکولته سی مدرسلرندن

مصطفی رشید

مقوق اداره

قضای اداری کیمه عائد اولمالیدر

II

تفریه قوا

نهن آمریقا، انکلتره و بلجیقاده تعقیب ایدیلن اصوله مغایر اوله رق فرانسه ده قضای عدلیدن بوس بتون آیری بر قضای اداری موجوددر؟ بو، تفریق قوا بره نسیپنه یا کلش معنا عطف ایدلدیکندندر.